

Broj: 09-14-6-6793-6/18
Sarajevo, 17.12.2018. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 03-05-1-1669/18 od 13.03.2018. godine, federalna ministrica financija/finansija **d o n o s i**

ODLUKU
o izboru najpovoljnijeg ponuđača za nabavu usluga –
Održavanje cjelokupnog informacionog sistema (hardware i software)
za potrebe Federalnog ministarstva financija/finansija

I

U cilju odabira najpovoljnijeg ponuđača, nakon provedenog otvorenog postupka javne nabave usluga – Održavanje cjelokupnog informacionog sistema (hardware i software) za potrebe Federalnog ministarstva financija/finansija, evidencijski broj nabavke: 09-14-6-6793-1/18, broj obavještenja o nabavci sa portala javnih nabavki: 810-1-2-100-3-23/18 od 22.11.2018. godine, sažetak obavještenja o nabavci objavljen u „Službenom glasniku BiH – Oglasnik javne nabavke“, broj: 84/18, kao prihvatljiva ponuda ocijenjena je ponuda ponuđača: **QSS d.o.o Sarajevo, s ukupnom cijenom ponude bez PDV-a u iznosu 25.200,00 KM.**

II

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete postavljene tenderskom dokumentacijom.

III

Za realizaciju ove odluke zadužuje se Sektor za ekonomske, financijske i zajedničke poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

Obrazloženje

Postupak nabave pokrenut je Odlukom o pokretanju postupka, broj: 09-14-6-6793/18 od 30.10.2018. godine. Javna nabava provedena je putem otvorenog postupka. Procijenjena vrijednost nabave iznosila je 40.000,00 KM bez PDV-a i predviđena je Planom javnih nabavki za 2018. godinu Ministarstva - Izmjenjeni i dopunjeni Plan, dio II Usluge, pod rednim brojem 8. - Održavanje cjelokupnog informacionog sistema (hardware i software). Obavijest o nabavci broj: 810-1-2-100-3-23/18 poslana je na objavu 22.11.2018. godine, te je zajedno sa tenderskom dokumentacijom, istog dana objavljena na portalu javnih nabavki. Sažetak obavještenja o nabavci objavljen je u „Službenom glasniku BiH – Oglasnik javne nabavke“, broj: 84/18. Tendersku dokumentaciju preuzelo je 19 privrednih subjekata, a 1 ponuđač dostavio je ponudu u predmetnom postupku nabave. Ponuda je dostavljena blagovremeno od strane ponuđača QSS d.o.o. Sarajevo.

Komisija za javne nabavke, imenovana Rješenjem, broj: 03-05-1-1669/18 13.03.2018. godine, izvršila je pregled i evaluaciju pristigle ponude, te konstatirala da je ponuda ponuđača QSS d.o.o. Sarajevo prihvatljiva za Ugovorni organ. Nakon izvršenog pregleda i evaluacije pristigle ponude, Komisija je dostavila federalnoj ministrici financija/finansija Zapisnik o pregledu i ocjeni ponuda, broj: 09-14-6-6793-5/18 od 13.12.2018. godine zajedno sa Preporukom o izboru najpovoljnijeg ponuđača: QSS d.o.o. Sarajevo, s registriranim sjedištem u ul. Dejzina Bikića bb, ID broj: 4200103980007.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno postavljenim uvjetima iz tenderske dokumentacije.

U postupku ocjene provedenog postupka, federalna ministrica nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač dostavio je prihvatljivu ponudu u skladu sa uvjetima postavljenim u tenderskoj dokumentaciji, a koja ujedno odgovara i procijenjenoj vrijednosti nabavke Ugovornog organa.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.



Dostaviti:

1. QSS d.o.o. Sarajevo,
2. U dokumentaciju Komisije
3. Sektoru za ekonomske, finansijske i zajedničke poslove
4. a/a